



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

09.07.2021թ.

Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ԳԲՔԱ-ԼՕ-2021/49

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Լ. Անանիկյանի

Պատվիրատու՝ «Հայկական ատոմային էլեկտրակայան» ՓԲԸ
Բողոքաբեր՝ «Էկրա Կոլկաս» ՍՊԸ

Մասնակցությամբ՝
«Էկրա Կոլկաս» ՍՊԸ-ի ներկայացուցիչ՝ Հ. Ենգոյանի

Գնման ընթացակարգի ծածկագիրը և առարկան՝
«ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգ, ՆՏՎ
(CBPTK) համակարգի արդիականացման աշխատանքների իրականացման համար
անհրաժեշտ ապրանքների ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ
քննող անձ), քննության առնելով «Էկրա Կոլկաս» ՍՊԸ-ի (այսուհետ նաև՝ Ընկերություն)
կողմից 16.06.2021թ.-ին ներկայացրած բողոքը (այսուհետ նաև՝ Բողոք) և կից
փաստաթղթերը,

Պ Ա Ր Զ Ե Ց

1. Գործի նախապատմությունը.

Դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է պարտավորեցնել «ՀԱԷԿ-ԳՀԱՊՁԲ-102/21» ծածկագրով գնանշման հարցման գնահատող հանձնաժողովին դադարեցնել հանձնաժողովի 08.06.2021թ.-ի նիստի թիվ 2 արձանագրության 6-րդ կետով կայացված՝ «Էկրա Կովկաս» ՍՊԸ-ի հայտը դադարեցնելու վերաբերյալ:

Բողոքներ քննող անձին բողոքը մակագրվել է 16.06.2021թ.-ին:

18.06.2021թ.-ին www.gnumner.am կայքում հրապարակված հայտարարությամբ բողոքը ընդունվել է վարույթ և տրվել թիվ ԳԲՔԱ-ԼՕ-2021/49 համարի:

22.06.2021թ.-ին, 02.07.2021թ.-ին և 09.07.2021թ.-ին նշանակվել և հրավիրվել են նիստեր:

Բողոքի քննությունն ավարտվել է 02.07.2021թ.-ին և Բողոքներ քննող անձի որոշման հրապարակման օր է նշանակվել 09.07.2021թ.-ին:

2. «Էկրա Կովկաս» ՍՊԸ-ի ներկայացրած փաստերը, հիմնավորումները և պահանջը.

«Էկրա Կովկաս» ՍՊԸ-ն 16.06.2021թ.-ին ներկայացրած բողոքով հայտնել է հետևյալը.

««ՀԱԷԿ» ՓԲԸ-ի կարիքների համար՝ ՆՏՎ (CBPTK) համակարգի արդիականացման աշխատանքների իրականացման համար անհրաժեշտ ապրանքների ձեռքբերման նպատակով հայտարարվել է «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգ /այսուհետև նաև՝ Ընթացակարգ/:

Սահմանված ժամկետում www.armeps.am կայքի միջոցով, ի թիվս այլ մասնակիցների, էլեկտրոնային հայտ է ներկայացրել նաև «Էկրա Կովկաս» ՍՊԸ-ն:

Քանի որ «Էկրա Կովկաս» ՍՊԸ-ն հայտ ներկայացնելու ժամանակ պարզել է, որ այդ պահին չունի Ընկերության [armeps](http://armeps.am) համակարգից օգտվելու գաղտնաբառը, իսկ ՀՀ ֆինանսների նախարարությունից ստացված տեղեկության համաձայն՝ գաղտնաբառի վերականգնումը պահանջելու է ժամանակ, որի արդյունքում հնարավոր է, որ ՍՊԸ-ն բաց թողներ հայտեր ներկայացնելու համար սահմանված վերջնաժամկետը, ապա «Էկրա

Կովկաս» ՍՊԸ-ն հնարավորություն չունենալով հայտը բեռնել սեփական www.armeps.am կայքի էջից և որպեսզի հնարավորություն ունենա մասնակցության հայտ ներկայացնելու «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգին՝ օգտվել է այլ www.armeps.am կայքում գրացնված այլ ՍՊԸ-ի էջից և բեռնել հայտը «Ի ՍԻ ԷՆԵՐՋԻ» ՍՊԸ-ի www.armeps.am կայքի էջից /գործում են նույն շենքում/:

Սակայն՝ «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգի գնահատող հանձնաժողովի 08.06.2021թ. տեղի ունեցած նիստի թիվ 2 արձանագրության 6-րդ կետի համաձայն՝ «Էկրա Կովկաս» ՍՊԸ-ի հայտը մերժվում է, քանի որ վերջինս հայտը ներկայացրել «Ի ՍԻ ԷՆԵՐՋԻ» ՍՊԸ-ի էլեկտրոնային *armeps* համակարգի էջից:

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Էկրա Կովկաս» ՍՊԸ-ն տեխնիկական խնդրի պատճառով զրկվել է իր մասնակցության իրավունքից լիարժեք օգտվելու հնարավորությունից:

Մասնավորապես՝ «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգի գնահատող հանձնաժողովի 08.06.2021թ. տեղի ունեցած նիստի թիվ 2 արձանագրության 6-րդ կետի համաձայն՝ «Էկրա Կովկաս» ՍՊԸ-ի հայտը մերժվում է, քանի որ վերջինս հայտը ներկայացրել «Ի ՍԻ ԷՆԵՐՋԻ» ՍՊԸ-ի էլեկտրոնային *armeps* համակարգի էջից:

Մինչդեռ մասնակցության հայտ ներկայացրել է ոչ թե «Ի ՍԻ ԷՆԵՐՋԻ» ՍՊԸ-ն, այլ «Էկրա Կովկաս» ՍՊԸ-ն՝ ինչն հավաստվում է «Էկրա Կովկաս» ՍՊԸ-ի կողմից հրավերով պահանջվող բոլոր փաստաթղթերը հաստատված լինելու հանգամանքը:

Բողոքներ քննող անձին խնդրում են նկատի ունենալ, որ քանի որ «Էկրա Կովկաս» ՍՊԸ-ն հայտ ներկայացնելու ժամանակ պարզել է, որ այդ պահին չունի Ընկերության *armeps* համակարգից օգտվելու գաղտնաբառը, իսկ ՀՀ ֆինանսների նախարարությունից ստացված տեղեկության համաձայն՝ գաղտնաբառի վերականգնումը պահանջելու է

ժամանակ, որի արդյունքում հնարավոր է, որ ՍՊԸ-ն բաց թողնել հայտեր ներկայացանելու համար սահմանված վերջնաժամկետը, ապա «Էկրա Կովկաս» ՍՊԸ-ն հնարավորություն չունենալով հայտը բեռնել սեփական www.armeps.am կայքի էջից և որպեսզի հնարավորություն ունենա մասնակցության հայտ ներկայացնելու «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգին՝ օգտվել է այլ www.armeps.am կայքում գրացնված այլ ՍՊԸ-ի էջից և բեռնել հայտը «Ի ՍԻ ԷՆԵՐՋԻ» ՍՊԸ-ի www.armeps.am կայքի էջից /գործում են նույն շենքում/:

Փաստացիորեն հայտը ներբեռնելու արդյունքում Բողոքաբերը ներբեռնել է իր հայտը՝ «Ի ՍԻ ԷՆԵՐՋԻ» ՍՊԸ-ի www.armeps.am կայքի էջից, ինչը տարակուսանք է առաջացրել գնահատող հանձնաժողովի մոտ, որն էլ մեր կարծիքով պարճառ է հանդիսացել, որ գնահատող հանձնաժողովը արձանագրել է, որ մերժվում է «Էկրա Կովկաս» ՍՊԸ-ի հայտը, քանի որ հրավերով պահանջվող բոլոր փաստաթղթերը ներկայացված են «Ի ՍԻ ԷՆԵՐՋԻ» ՍՊԸ-ի էլեկտրոնային *armeps* համակարգի էջից:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պարզաբանելու և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման...»:

Վերոգրյալով պայմանավորված, «Էկրա Կովկաս» ՍՊԸ-ն Բողոքներ քննող անձին խնդրել է պարտավորեցնել «ՀԱԷԿ-ԳՀԱՊՁԲ-102/21» ծածկագրով գնանշման հարցման գնահատող հանձնաժողովին դադարեցնել հանձնաժողովի 08.06.2021թ.-ի նիստի թիվ 2 արձանագրության 6-րդ կետով կայացված՝ «Էկրա Կովկաս» ՍՊԸ-ի հայտը դադարեցնելու վերաբերյալ:

3. «Հայկական ատոմային էլեկտրակայան» ՓԲԸ-ի կողմից բողոքի վերաբերյալ ներկայացված փաստարկները, հիմնավորումները և դիրքորոշումը.

Բողոքներ քննող անձը 18.06.2021թ.-ին թիվ /ԲՔԱ-ԼՕ/2/9925-2021 գրությամբ դիմել է «Հայկական ատոմային էլեկտրակայան» ՓԲԸին՝ հնարավորություն տալով «Էկրա

Կովկաս» ՍՊԸ-ի կողմից 16.06.2021թ.-ին ներկայացված բողոքի վերաբերյալ ներկայացնել Պատվիրատուի գրավոր կարծիքը:

Պատվիրատուն ստանալով գրավոր դիրքորոշում հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացել հրավիրված նիստերին:

Պատվիրատուն չներկայացնելով «Գնումների մասին» ՀՀ օրենքի 50-րդ հոդվածի 4-րդ մասով սահմանված անհրաժեշտ փաստաթղթերը, 22.06.2021թ.-ի գրությամբ հայտնել է հետևյալը.

«Համաձայն «Գնումների մասին» ՀՀ օրենքի 50-րդ հոդվածի 4-րդ մասի՝ «Էկրա Կովկաս» ՍՊԸ-ի բողոքի քննության նպատակով Ձեր դիտարկմանն եմ ներկայացնում «Հայկական ադոմային էլեկտրոկայան» Փակ Բաժնետիրական Ընկերության (այսուհետ՝ «ՀԱԷԿ» ՓԲԸ) գրավոր դիրքորոշումը:

«ՀԱԷԿ» ՓԲԸ կարիքների համար ՆՏՎ (CBPTK) համակարգի արդիականացման աշխատանքների իրականացման համար անհրաժեշտ ապրանքների ձեռք բերման նպատակով ս/թ մայիսի 20-ին հրապարակվել է «ՀԱԷԿ-ԳՀԱՊՁԲ-102/21» ծածկագրով գնման ընթացակարգը (այսուհետ՝ ընթացակարգ), որին ի թիվս այլ մասնակիցների մասնակցության հայտ է ներկայացրել նաև «Էկրա Կովկաս» ՍՊԸ-ն: Գնահատող հանձնաժողովը արձանագրել է, որ «Էկրա Կովկաս» ՍՊԸ-ի մասնակցության հայտը էլեկտրոնային գնումների armeps համակարգ է ներբեռնվել «Ի ՍԻ ԷՆԵՐՋԻ» ՍՊԸ-ի անվամբ գրանցված էջից և ս/թ հունիսի 8-ի թիվ 2 որոշմամբ մերժել է «Էկրա Կովկաս» ՍՊԸ-ի մասնակցության հայտը:

«Էկրա Կովկաս» ՍՊԸ մասնակցության հայտի մերժման համար հիմք են հանդիսացել «Գնումների մասին» ՀՀ օրենսդրության դրույթները և գնումների գործընթացի վարման մի շարք պարտադիր ընթացակարգեր, մասնավորապես.

- ՀՀ Կառավարության 06.04.2017թ. թիվ 386-Ն որոշմամբ հաստատված էլեկտրոնային ձևով գնումների կատարման կարգի 5-րդ կետի 3-րդ ենթակետով հստակ սահմանվում է «մասնակից» տերմինը՝ «մասնակից (համակարգում՝ տնտեսական օպերատոր)՝ պատվիրատուի հետ պայմանագիր կնքելու նպատակով էլեկտրոնային գնմանը մասնակցելու ցանկություն ունեցող և համակարգում գրանցված մասնակից»,

- ՀՀ Կառավարության 06.04.2017թ. թիվ 386-Ն որոշման 5-րդ կետի 4-րդ ենթակետը՝ «հայտ՝ հրավերի հիման վրա մասնակցի կողմից էլեկտրոնային եղանակով ներկայացվող առաջարկ»,

- ՀՀ Կառավարության 06.04.2017թ. թիվ 386-Ն որոշման 5-րդ կետը՝ «էլեկտրոնային ձևով իրականացվող գնումների կատարման ուղեցույցը հաստատում է Հայաստանի Հանրապետության ֆինանսների նախարարը» և էլեկտրոնային ձևով իրականացվող գնումների կատարման ուղեցույցի 3-րդ գլուխը՝ «Գրանցման ընթացակարգի առաջին փուլում օգտվողը գրանցում է իր կազմակերպությունը տրամադրելով հետևյալ պարտադիր տեղեկատվությունը ...»:

- ՀՀ Կառավարության 04.05.2017թ. թիվ 526-Ն որոշումը, օրինակ 110-րդ կետը որով սահմանվում է հանձնման-ընդունման կարգը և այլ կետեր որոնցից բխում է, որ համակարգում տվյալների փոխանակման համար կարևոր է տնտեսական օպերատորի (մատակարարի) տվյալների ճշգրտիտ լինելը:

- «ՀԱԷԿ-ԳՀԱՊՁԲ-102/21» ծածկագրով գնման ընթացակարգի հրավերի 1-ին գլխի 4.1 կետը՝ «Սույն ընթացակարգին մասնակցելու համար մասնակիցը համակարգի միջոցով հանձնաժողովին ներկայացնում է հայտ: Հայտը սույն հրավերի հիման վրա մասնակցի կողմից ներկայացվող առաջարկն է»:

- Այն հանգամանքը որ գնահատման ժամանակ համակարգում բավարար/անբավարար է գնահատվում «Ի ՍԻ ԷՆԵՐՋԻ» ՍՊԸ-ին՝ «Էկրա Կովկաս» ՍՊԸ-ի փոխարեն,

- Հաղթող մասնակից ճանաչվելու դեպքում շնորհումը ուղարկվում է «Ի ՍԻ ԷՆԵՐՋԻ» ՍՊԸ-ին՝ «Էկրա Կովկաս» ՍՊԸ-ի փոխարեն,

- Էլեկտրոնային գնումների համակարգի միջոցով հանձնման-ընդունման արձանագրություն ներկայացնելու ժամանակ մատակարարի անվանումը և ՀՎՀՀ-ն լրացվում են ավտոմատ և ենթակա չեն խմբագրման,

- PPCM համակարգում հաշվետվություն գեներացնելիս երևում է, որ գնման ընթացակարգին մասնակցել է «Ի ՍԻ ԷՆԵՐՋԻ» ՍՊԸ-ն կամ պայմանագիր է կնքվել «Ի ՍԻ ԷՆԵՐՋԻ» ՍՊԸ և «ՀԱԷԿ» ՓԲԸ միջև, որը իրականությանը չի համապատասխանում:

Ի պատասխան բողոքաբերի այն հայտարարությանը, որ «Էկրա Կովկաս» ՍՊԸ-ն հայտը ներկայացնելու ժամանակ պարզել է, որ չունի գաղտնաբառը՝ Ձեր ուշադրությունն են ցանկանում գրավել այն հանգամանքի վրա, որ ս/թ մայիսի 25-ին ընկերությունը մասնակցության հայտ է ներբեռնել armeps համակարգ, իսկ «ՀԱԷԿ-ԳՀԱՊՁԲ-102/21» ծածկագրով գնման ընթացակարգը հրապարակվել է ս/թ մայիսի 20-ին, հայտերի բացման վերջնաժամկետն է եղել ս/թ մայիսի 31-ը:

Ամփոփելով վերը նշվածը՝ կարծում ենք, որ բողոքաբեր անձի բողոքը անհիմն է, քանի որ գնահատող հանձնաժողովը գործել է բացառապես «Գնումների մասին» ՀՀ օրենքով, ՀՀ Կառավարության 04.05.2017թ. թիվ 526-Ն որոշմամբ և այլ հրավական ակտերով սահմանված նորմերով՝ ապահովելով գնման գործընթացի մրցակցային, համաչափ և ոչ խտրական կազմակերպումը:»:

4. ԳԲՔԱ-ԼՕ-2021/49 բողոքի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

i. «Հայկական ատոմային էլեկտրակայան» ՓԲԸ-ի (այսուհետ նաև՝ Պատվիրատու) կողմից ՆՏՎ (CBPTK) համակարգի արդիականացման աշխատանքների իրականացման համար անհրաժեշտ ապրանքների ձեռքբերման նպատակով 20.05.2021թ.-ին հայտարարվել է «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգ (այսուհետ նաև՝ Ընթացակարգ):

ii. Ընթացակարգին մասնակցելու նպատակով, ի թիվս այլ մասնակիցների, հայտ է ներկայացրել նաև «Ի Սի Էներջի» ՍՊԸ-ն:

iii. «Ի Սի Էներջի» ՍՊԸ-ի կողմից ներկայացված հայտին կից փաստաթղթերը՝ Հրավերի Հավելված 1-ը՝ դիմում-հայտարարությունը, Հավելված 1.1-ը՝ առաջարկվող ապրանքի ամբողջական նկարագիրը և Հավելված 2-ը՝ գնային առաջարկը, ներկայացվել են «Էկրա Կովկաս» ՍՊԸ-ի տվյալներով:

iv. Ընթացակարգի գնահատող հանձնաժողովի (այսուհետ նաև՝ Հանձնաժողով) 08.06.2021թ.-ի նիստի թիվ 2 արձանագրության 6-րդ կետով արձանագրվել է, որ «Էկրա Կովկաս» ՍՊԸ-ի մասնակցության հայտը ներկայացված է «Ի Սի Էներջի» ՍՊԸ-ի էլեկտրոնային armeps համակարգի էջից, որը չի համապատասխանում հրավերով սահմանված հայտերի ներկայացման կարգին, ինչով պայմանավորված, Հանձնաժողովը, որոշել է մերժել «Էկրա Կովկաս» ՍՊԸ-ի հայտը:

v. <https://armeps.am/ppcm/public/bid-report> կայքում առկա տվյալների համաձայն՝ «ՀԱԷԿ-ԳՀԱՊՁԲ-102/21» ծածկագրով գնման ընթացակարգի մասնակիցների շարքում առկա է նաև «Ի Սի Էներջի» ՍՊԸ-ն, ում կողմից ներկայացված հայտին կից փաստաթղթերը ներկայացվել են «Էկրա Կովկաս» ՍՊԸ-ի տվյալներով:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, համադրելով դրանք գործով պարզված փաստական հանգամանքների հետ, հանգում է այն եզրակացության, որ «Էկրա Կովկաս» ՍՊԸ-ի կողմից 16.06.2021թ.-ին ներկայացված բողոքն հիմնավոր է և ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 30-րդ հոդվածի 1-ին մասի համաձայն՝ մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ. թիվ 526-Ն որոշմամբ (25.03.2021թ.-ի թիվ 414-Ն փոփոխություններով) հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 1-ին ենթակետի համաձայն՝ Հրավերով նախատեսվում է նաև, որ մասնակիցը հայտով ներկայացնում է՝

ա. գնման ընթացակարգին մասնակցելու գրավոր դիմում՝ նշելով էլեկտրոնային փոստի հասցեն, հարկ վճարողի հաշվառման համարը, գործունեության հասցեն և հեռախոսահամարը,

բ. իր կողմից հաստատված հավաստում՝ հրավերով սահմանված մասնակցության իրավունքի պահանջներին իր համապատասխանության մասին,

գ. իր կողմից հաստատված հավաստում՝ ընտրված մասնակից ճանաչվելու դեպքում, օրենքի 35-րդ հոդվածով սահմանված ժամկետում, ներկայացրած գնային առաջարկի չափով որակավորման ապահովում ներկայացնելու պարտավորության մասին: (...)

դ. գնային առաջարկ:

(...)

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Հրավերի 4.3-րդ կետի 1-ին ենթակետի համաձայն՝ մասնակիցը հայտով ներկայացնում է իր կողմից հաստատված՝ սույն հրավերի 2-րդ մասի 2.1 կետով նախատեսված դիմում-հայտարարություն՝ նշելով էլեկտրոնային փոստի հասցեն, հարկ վճարողի հաշվառման համարը, գործունեության հասցեն և հեռախոսահամարը, որը ներառում է՝

ա) հավաստում սույն հրավերով սահմանված մասնակցության իրավունքի պահանջներին իր տվյալների համապատասխանության մասին,

բ) հավաստում՝ ընտրված մասնակից ճանաչվելու դեպքում, սույն հրավերի 1-ին մասի 2.4 կետով սահմանված կարգով և ժամկետում որակավորման ապահովում ներկայացնելու պարտավորության կամ սույն հրավերով սահմանված՝ վարկունակության վարկանիշ ունենալու մասին,

գ) հայտարարություն սույն ընթացակարգի շրջանակում գերիշխող դիրքի չարաշահման և հակամրցակցային համաձայնության բացակայության մասին,

դ) հայտարարություն սույն ընթացակարգի շրջանակում իրեն փոխկապակցված անձանց և (կամ) իր կողմից հիմնադրված կամ ավելի քան հիսուն տոկոս իրեն պատկանող բաժնեմաս (փայաբաժին) ունեցող կազմակերպությունների միաժամանակյա մասնակցության բացակայության մասին,

ե) այն ֆիզիկական անձի (անձանց) տվյալները, ով ուղղակի կամ անուղղակի ունի մասնակցի կանոնադրական կապիտալում քվեարկող բաժնետոմսերի (բաժնեմասերի, փայերի) ավել քան տաս տոկոսը, ներառյալ ըստ ներկայացնողի բաժնետոմսերը, կամ այն անձի (անձանց) տվյալները, ով իրավունք ունի նանակելու կամ ազատելու մասնակցի գործադիր մարմնի անդամներին, կամ ստանում է մասնակցի կողմից իրականացվող ձեռնարկատիրական կամ այլ գործունեության արդյունքում ստացված շահույթի տասնհինգ տոկոսից ավելին: Սույն ենթակետում նշված անձանց բացակայության դեպքում ներկայացվում է գործադիր մարմնի ղեկավարի և անդամների տվյալները: Ընդ որում եթե մասնակիցը հայտարարվում է ընտրված մասնակից, ապա սույն պարբերությամբ նախատեսված տեղեկատվությունը, որը հայտերը բացելուց հետո ավտոմատ եղանակով հրապարակվում է համակարգում, պայմանագիր կնքելու որոշման մասին հայտարարության հետ միաժամանակ հրապարակվում է նաև տեղեկագրում:

Նույն կետի 2-րդ և 3-րդ ենթակետերի համաձայն՝ մասնակիցը հայտով ներկայացնում է իր կողմից առաջարկվող ապրանքի տեխնիկական բնութագրերը, ինչպես նաև առաջարկվող ապրանքի ապրանքային նշանը, ֆիրմային անվանումը, մակնիշը և արտադրողի անվանումը (այսուհետ՝ ապրանքի ամբողջական նկարագիր), և իր կողմից հաստատված գնային առաջարկ:

Հրավերի 8.9-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ երբ

հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին համակարգի միջոցով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Նույն հրավերի 8.10-րդ կետի 1-ին պարբերության համաձայն՝ եթե սույն հրավերի 8.9-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Վերոգրյալ իրավակարգավորումների լույսի ներքո, Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, գնային առաջարկը, հրավերով նախատեսված այլ փաստաթղթեր (տեղեկություններ): Ընդ որում, Կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են:

Բողոքներ քննող անձը հարկ է համարում նշել, որ օրենսդիրն իմպերատիվ կերպով սահմանել է, որ այն հայտերը, որոնցում բացակայում է գնային առաջարկը կամ եթե վերջինս ներկայացված է հրավերի պահանջներին անհամապատասխան (որոշ բացառություններով), ապա հանձնաժողովի կողմից ներկայացված հայտերը մերժվում են, քանի որ առկա չէ օրենքով սահմանված կարգով գնային առաջարկի շտկման հնարավորություն:

Օրենքի 2-րդ հոդվածի 1-ին մասի 5-րդ ենթակետի (օրենքում օգտագործվող հիմնական հասկացությունները) համաձայն՝ մասնակից՝ պատվիրատուի հետ պայմանագիր կնքելու նպատակով գնումների գործընթացին մասնակցող անձ:

ՀՀ կառավարության 06.04.2017թ.-ի թիվ 386-Ն որոշմամբ հաստատված «Էլեկտրոնային ձևով գնումների կարգը հաստատելու մասին» կարգի՝ 5-րդ կետի 3-րդ ենթակետի համաձայն՝ սույն կարգում օգտագործվում են հետևյալ հասկացությունները՝

3) մասնակից (համակարգում՝ տնտեսական օպերատոր)՝ պատվիրատուի հետ պայմանագիր կնքելու նպատակով էլեկտրոնային գնմանը մասնակցելու ցանկություն ունեցող և համակարգում գրանցված մասնակից.

4) հայտ՝ հրավերի հիման վրա մասնակցի կողմից էլեկտրոնային եղանակով ներկայացվող առաջարկ.

Հրավերի 4.1-րդ կետի համաձայն՝ սույն ընթացակարգին մասնակցելու համար մասնակիցը համակարգի միջոցով հանձնաժողովին ներկայացնում է հայտ: Հայտը սույն հրավերի հիման վրա մասնակցի կողմից ներկայացվող առաջարկն է:

Մասնակիցը կարող է հայտ ներկայացնել ինչպես յուրաքանչյուր չափաբաժնի, այնպես էլ մի քանի կամ բոլոր չափաբաժինների համար:

Հայտը ներկայացվում է մինչև դրա համար սույն հրավերով սահմանված ժամկետի ավարտը:

Հայտի պատրաստման կարգը նկարագրված է սույն հրավերի 2-րդ մասում՝ գնանշման հարցման հայտերը պատրաստելու հրահանգում:

Սույն հրավերի 4.2-րդ կետի համաձայն՝ Ընթացակարգի հայտերն անհրաժեշտ է ներկայացնել համակարգի միջոցով ոչ ուշ, քան սույն ընթացակարգի հայտարարությունը և հրավերը համակարգում հրապարակվելու օրվանից հաշված 11-րդ օրվա ժամը 16:00-ն: Հայտերը ներկայացնելու վերջնաժամկետը լրանալուց հետո ներկայացված հայտերը չեն ընդունվում համակարգի կողմից:

Հրավերի 3-րդ մասի՝ գնանշման հարցման հայտը պատրաստելու հրահանգի 2-րդ կետի՝ ընթացակարգի հայտը, համաձայն՝ Ընթացակարգին մասնակցելու համար մասնակիցը համակարգի միջոցով ներկայացնում է հայտ: Հայտին կցվում են սույն հրավերով նախատեսված համապատասխան փաստաթղթերը (տեղեկությունները):

Մասնակիցը հայտով ներկայացնում է իր կողմից հաստատված՝

1) «Պիտանելիության չափորոշիչ».

2.1 ընթացակարգին մասնակցելու դիմում-հայտարարություն՝ համաձայն հավելված N 1-ի»

2.2 իր կողմից հաստատված՝ առաջարկվող ապրանքի ամբողջական նկարագիրը՝ համաձայն հավելված N 1.1-ի,

2.3 գործակալության պայմանագրի պատճենը և դրա կողմ հանդիսացող անձի տվյալները, եթե պայմանագիրն իրականացվելու է գործակալության միջոցով,

2.4 համատեղ գործունեության պայմանագիրը, եթե մասնակիցները գնման ընթացակարգին մասնակցում են համատեղ գործունեության կարգով (կոնսորցիումով)։

2) «Ֆինանսական չափորոշիչ».

2.6 գնային առաջարկ՝ համաձայն հավելված N 2-ի: Գնային առաջարկը ներկայացվում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում:

Հրավերով սահմանվել է նաև, որ հայտը էլեկտրոնային գնումների Armeps (www.armeps.am) համակարգ (այսուհետ՝ համակարգ) մուտքագրելիս անհրաժեշտ է առաջնորդվել www.procurement.am հասցեով գործող գնումների պաշտոնական տեղեկագրի «Օրենսդրություն» բաժնի «Ուղեցույցներ, ձեռնարկներ» ենթաբաժնում տեղադրված էլեկտրոնային գնումների կատարման ուղեցույցով, որ էլ հասանելի է հետևյալ հղումով՝ http://gnumner.am/hy/page/ughecuycner_dzernarkner/

Էլեկտրոնային գնումների կատարման ուղեցույցի 3-րդ մասով՝ մասնակցի կողմից էլեկտրոնային գնումների armeps համակարգի միջոցով բաց, բաց (հրատապ), գնանշման հարցում և մեկ անձից գնումների կատարման ուղեցույցով սահմանվել է հետևյալը.

1. Մասնակիցը՝

1) էլեկտրոնային գնումների Armeps համակարգում հավաքելով «Մուտքանուն» ու «Գաղտնաբառը»՝ մուտք է գործում համակարգ,

2) մուտք գործելով համակարգ «Որոնել» բաժնում ընտրում է «ՄՀ-ներ» ենթաբաժինը և սեղմում «Որոնել» սեղմակը,

3) Մասնակիցը գտնում է իրեն հետաքրքրող գնման ընթացակարգը,

4) «Ցուցադրել ՄՀ ցանկը» սեղմակով ընտրում է «ՄՀ-ի փաստաթղթեր» դաշտը և ծանոթանում ընթացակարգի հայտարարությանը և հրավերին (նաև փոփոխություններին),

5) Ընթացակարգի վերաբերյալ պարզաբանում ստանալու համար «Ցուցադրել ՄՀ ցանկը» սեղմակով ընտրում է «Պարզաբանումներ» դաշտը և «Պարզաբանման հարցումներ» սեղմակի միջոցով պատվիրատուին է ուղղում իր պարզաբանման հարցումը,

6) Հայտ ներկայացնելու համար «Ցուցադրել ՄՀ ցանկը» սեղմակով ընտրում է «Հայտեր» դաշտը,

7) բացված պատուհանում «բեռնել նախապատրաստման գործիքը» սեղմակի միջոցով բեռնում է ընթացակարգի հայտի պատրաստման գործիքը (եթե այն համակարգչում նախապես տեղադրված չէ) և «բեռնել մրցույթի կառուցվածքը» սեղմակի միջոցով բեռնում է մրցույթի կառուցվածքը: Համակարգչում բեռնվում է xml ֆայլ, որը պետք է բացել նախապատրաստման գործիքով՝ սեղմելով «Բացել փաստաթուղթը» սեղմակը,

8) բացվում է պատուհան՝ «Զավա (Java)» ծրագրով, որը երեք լեզվով է՝ հայերեն, ռուսերեն և անգլերեն,

9) եթե գնման ընթացակարգը չափաբաժիններով է, ապա մատակարարը բացված պատուհանի ձախակողմյան հատվածում սեղմում է «Հայտեր» դաշտը և բացված աջակողմյան հատվածում ընտրում է (օգտագործելով «v» նշանը), այն չափաբաժինը (չափաբաժինները), որին (որոնց) ցանկանում է մասնակցել,

10) «Պիտանելիության» և «Տեխնիկական» դաշտում «Կցել ֆայլ» սեղմակի միջոցով կցում է անհրաժեշտ փաստաթղթերը, իսկ «Ֆինանսական» դաշտում լրացնում է գնի առաջարկը առանց ԱԱՀ-ի և կցում է պահանջվող փաստաթղթերը,

11) ֆայլերը կցելուց հետո սեղմում է «Պահպանել» սեղմակը,

12) բացված պատուհանում նշելով ֆայլի համար որևէ (օրինակ ֆայլ) անուն՝ տալիս է «Պահպանել» հրամանը,

13) սեղմում է «Վավերացնել» սեղմակը,

14) սեղմում է «Փաթեթավորել» սեղմակը,

15) եթե 9-ից 14-րդ քայլերն իրականացնելու ժամանակ համակարգը ցուցադրում է սխալի մասին հաղորդագրություն, ապա սխալը ուղղելուց հետո պետք է կրկին սեղմել «Պահպանել» սեղմակը,

16) փակում է «Զավա (Java)» ծրագրով բացված պատուհանը,

17) համակարգում բացված պատուհանում սեղմում է «Բեռնել հայտի փաթեթը» սեղմակը,

18) բացված պատուհանը առաջարկում է օգտվողին հաստատել, որ իր հաշիվը ճիշտ է,

19) հաստատելուց հետո օգտվողին առաջարկվում է ընդունել ընթացակարգերի համար օգտվողի համաձայնության քաղաքականությունը,

20) ընդունելուց հետո բացված պատուհանում պետք է ընտրել ուղարկվող փաթեթը, որն արդեն նախապես պահպանված և արխիվացված (կոդավորված) ֆայլն է,

21) գործողությունն ավարտելու համար սեղմում է «Բեռնել» սեղմակը՝ հայտի փաթեթը Armeps համակարգում բեռնելու համար:

2. Համակարգը գեներացնում է մի առանձնահատուկ հայտի փաթեթի ստացականի հերթական համար և հայտի փաթեթի բեռնման համար տեղեկացնում օգտվողին:

3. Եթե հայտերի վերջնաժամկետը փոփոխվում է, ապա մասնակիցը պետք է ներկայացրած հայտը հեռացնի և նոր հայտ ներկայացնի:

4. Մասնակիցը պետք է հետևի իր էլեկտրոնային փոստին, գնումների մասին Հայաստանի Հանրապետության օրենսդրությամբ սահմանված կարգով համապատասխան փաստաթղթաշրջանառությունն իրականացնելու նպատակով:

5. Եթե մասնակիցը ճանաչվել է ընտրված մասնակից (հաղթող է) և նրան առաջարկվում է կնքել պայմանագիր, ապա նա պետք է կա՛մ ընդունի, կա՛մ մերժի առաջարկը:

Ամբողջ վերոգրյալ իրավական նորմերի վերլուծության արդյունքում, Բողոքներ քննող անձը փաստում է, որ պատվիրատուի հետ պայմանագիր կնքելու նպատակով էլեկտրոնային գնման գործընթացի մասնակից կարող է լինել այն իրավաբանական կամ ֆիզիկական անձը, որը գրանցված է Armeps համակարգում (այսուհետ նաև՝ Համակարգ): Էլեկտրոնային գնման գործընթացին մասնակցելու համար մասնակիցը Համակարգի միջոցով պետք է ներկայացնի առաջարկ՝ հայտ, որին կցվում են հրավերով նախատեսված համապատասխան փաստաթղթերը (տեղեկությունները)՝ ընթացակարգին մասնակցելու դիմում-հայտարարություն՝ համաձայն հավելված 1-ի, առաջարկվող ապրանքի ամբողջական նկարագիր՝ համաձայն հավելված 1.1-ի, գնային առաջարկ՝ համաձայն հավելված 2-ի, և այլ անհրաժեշտ՝ հրավերով սահմանված փաստաթղթեր: Ընդ որում, էլեկտրոնային գնումների կատարման ուղեցույցի 3-րդ մասի՝ մասնակցի կողմից էլեկտրոնային գնումների armeps համակարգի միջոցով բաց, բաց (հրատապ), գնանշման հարցում և մեկ անձից գնումների կատարման ուղեցույցի իմաստից բխում է, որ էլեկտրոնային գնումների գործընթացի մասնակիցը համակարգում գրացված և իր սեփական, Համակարգի կողմից վերջինիս տրամադրված «Մուտքանվամբ», Համակարգ մուտք գործած գնումների գործընթացին մասնակցող անձն է:

Վերոնշյալ նորմերի ամբողջացմամբ, Բողոքներ քննող անձը հարկ է համարում նաև փաստել, որ Համակարգի միջոցով ներկայացվող հայտը ոչ թե միայն ընթացակարգին մասնակցելու դիմում-հայտարարությունն է, առաջարկվող ապրանքի ամբողջական նկարագիրն է, գնային առաջարկն է, և այլ անհրաժեշտ՝ հրավերով սահմանված փաստաթղթերն են, այլ այն՝ Armeps համակարգում հայտի փաթեթի բեռնումն է՝ այն առաջարկն է, որով մասնակիցը ցանկություն է հայտնում մասնակցելու էլեկտրոնային գնման գործընթացին՝ կից ներկայացնելով վերոնշյալ՝ անհրաժեշտ փաստաթղթերը (տեղեկությունները), ինչպես որ նկարագրված է Հրավերի 3-րդ մասի՝ գնանշման հարցման հայտը պատրաստելու հրահանգի դրույթներում:

Սույն գործում առկա փաստերի համաձայն՝ «Հայկական ատոմային էլեկտրակայան» ՓԲԸ-ի կողմից ՆՏՎ (CBPTK) համակարգի արդիականացման աշխատանքների իրականացման համար անհրաժեշտ ապրանքների ձեռքբերման նպատակով 20.05.2021թ.-ին հայտարարված «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգին մասնակցելու նպատակով հայտ է ներկայացրել նաև «Ի Սի Էներջի» ՍՊԸ-ն, որի կողմից ներկայացված հայտին կից փաստաթղթերը՝ Հրավերի Հավելված 1-ը՝ դիմում-հայտարարությունը, Հավելված 1.1-ը՝ առաջարկվող ապրանքի ամբողջական նկարագիրը և Հավելված 2-ը՝ գնային առաջարկը, ներկայացվել են «Էկրա Կովկաս» ՍՊԸ-ի տվյալներով, ինչով պայմանավորված Հանձնաժողովի 08.06.2021թ.-ի նիստի թիվ 2 արձանագրության 6-րդ կետով արձանագրվել է, որ «Էկրա Կովկաս» ՍՊԸ-ի մասնակցության հայտը ներկայացված է «Ի Սի Էներջի» ՍՊԸ-ի էլեկտրոնային armeps համակարգի էջից, որը չի համապատասխանում հրավերով սահմանված հայտերի ներկայացման կարգին, ինչով պայմանավորված, Հանձնաժողովը, որոշել է մերժել «Էկրա Կովկաս» ՍՊԸ-ի հայտը: <https://armeps.am/ppcm/public/bid-report> կայքում առկա տվյալների համաձայն՝ «ՀԱԷԿ-ԳՀԱՊՁԲ-102/21» ծածկագրով գնման ընթացակարգի մասնակիցների շարքում առկա է նաև «Ի Սի Էներջի» ՍՊԸ-ն, ում կողմից ներկայացված հայտին կից փաստաթղթերը ներկայացվել են «Էկրա Կովկաս» ՍՊԸ-ի տվյալներով:

Վերոնշյալ իրավական նորմերի և փաստական հանգամանքների հիման վրա Բողոքներ քննող անձն արձանագրում է, որ «Հայկական ատոմային էլեկտրակայան» ՓԲԸ-ի կողմից ՆՏՎ (CBPTK) համակարգի արդիականացման աշխատանքների իրականացման համար անհրաժեշտ ապրանքների ձեռքբերման նպատակով 20.05.2021թ.-ին հայտարարված «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգին մասնակցելու նպատակով, ի թիվս այլ մասնակիցների, մի շարք

չափաբաժինների մասով հայտ ներկայացրած «Ի Սի Էներջի» ՍՊԸ-ի կողմից հայտին կից ներկայացված փաստաթղթերը՝ Հրավերի Հավելված 1-ը՝ դիմում-հայտարարությունը, Հավելված 1.1-ը՝ առաջարկվող ապրանքի ամբողջական նկարագիրը և Հավելված 2-ը՝ գնային առաջարկը, ներկայացվել են «Էկրա Կովկաս» ՍՊԸ-ի տվյալներով:

Վերոգրյալ իրավանորմերի համալիր վերլուծությունը՝ գործով հաստատված փաստերի գնահատմամբ, թույլ է տալիս եզրակացնել, որ ընթացակարգին «Ի Սի Էներջի» ՍՊԸ-ի կողմից ներկայացված հայտին կից ներկայացված փաստաթղթերը՝ Հրավերի Հավելված 1-ը՝ դիմում-հայտարարությունը, Հավելված 1.1-ը՝ առաջարկվող ապրանքի ամբողջական նկարագիրը և Հավելված 2-ը՝ գնային առաջարկը, ներկայացվել են «Էկրա Կովկաս» ՍՊԸ-ի տվյալներով, որի արդյունքում հայտի կից փաթեթից բացակայել են հրավերով պահանջվող փաստաթղթերը՝ այդ թվում և գնային առաջարկը, որի բացակայության պայմաններում «Ի Սի Էներջի» ՍՊԸ-ի կողմից ներկայացված հայտն ենթակա է մերժման՝ առանց շտկման հնարավորության ընձեռնման:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում, Բողոքներ քննող անձը հանգում է այն եզրակացության, որ «ՀԱԷԿ-ԳՀԱՊՁԲ-102/21» ծածկագրով գնանշման հարցման ընթացակարգի գնահատող հանձնաժողովը, կայացնելով «Էկրա Կովկաս» ՍՊԸ-ի հայտը Ընթացակարգի հրավերով նախատեսված պայմաններին անբավարար գնահատելու և մերժելու մասին որոշում, գործել է ոչ իրավաչափ, քանի որ տվյալ պարագայում ենթակա էր մերժման ոչ թե «Էկրա Կովկաս» ՍՊԸ-ի, այլ «Ի Սի Էներջի» ՍՊԸ-ի կողմից ներկայացված հայտը: Ուստի, «Էկրա Կովկաս» ՍՊԸ-ի կողմից ներկայացված բողոքը հիմնավոր է և ենթակա բավարարման:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի դրույթներով՝ ՀՀ գնումների հետ կապված բողոքներ քննող անձը,

Ո Ր Ո Շ Ե Ց

«Էկրա Կովկաս» ՍՊԸ-ի կողմից 16.06.2021թ.-ին ներկայացված թիվ ԳԲՔԱ-ԼՕ-2021/49 ծածկագրով բողոքը բավարարել:

Պարտավորեցնել «ՀԱԷԿ-ԳՀԱՊՁԲ-102/21» ծածկագրով գնանշման հարցման գնահատող հանձնաժողովին դադարեցնել հանձնաժողովի 08.06.2021թ.-ի նիստի թիվ 2

արձանագրության 6-րդ կետով կայացված՝ «Էկրա Կովկաս» ՍՊԸ-ի հայտը մերժելու մասին կայացված որոշումը:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ՝**



ԼԵՎՈՆ ՕՎԱՆՅԱՆ